


ORATIONES
ET EPISTOLAE


1492-1514

OE


351


1514






Q. x^{ve} s. 351.







Daunou :

no. 1	{	589
2	{	
3	—	686
4	—	462
5	—	533
6	—	715
7	—	714
8	—	711
9	—	974
10	—	494
11	—	668
12	—	480
13	—	omis
14	—	791
15	—	587

no. 16	—	716
17	—	662
18	—	673
19	—	591
20	—	948
21	(de dotation)	1514
22	—	671
23	—	669
24	—	556
25	—	564
26	—	661
27	—	667
28	—	672
29	—	712
30	(pièce de 1514)	
31	—	834

{ entre les p^{tes}
1 et 2 de cette
pièce 4 p^{tes} in-
tercalés prove-
nant d'une
autre pièce

(Les numeros de pièce à l'encre sont les seuls exacts)

Orationes Illustrum Vivorum.

11

178

CE
M

(YE
24)

Carton of

178

Variorum Epistolæ et Orationes

CE
XX

351

(YE
24)

M. D. C. C.

Conferre de f

M. D.

250000

Venerabilis Episcopi
Orationes

**Ad Illustrissimum et sapientissimum Principem
Ludovicum Sfortiam Vicecomitem barri ducem:
Jason de mayno iuriconsultus et ducalis senator.**

rationem ame romę: in publico consistorio
habitam: ad Alexandrum sextum pontificem
maximum: crebre amicorum interpellatio/
nes efflagitabant: eorum presertim qui non interfue/
runt. Ego vero quod omnibus in rebus facile ami/
corum votis morem gerere soleam: hactenus tamen
supprimendas duxi: cum libentius culpa carere velim:
quam culpe veniam deprecari. Noui seueriores esse ocu/
lorum quam aurium censuras. Pluris quoque habent
duo oculati quam centum auriti testes. Preterea ut
est apud Ciceronem illa eadem maiora quam agunt:
quam quam leguntur videri solent. Et magna pars
Demosthenis abesse traditur: quod legitur potius quam
quam auditur. Verum Excellentissime Princeps
cum eam nunc edi iusseris: non fuit mihi amplius in/
tegrum recusare: quem maiorem obedientie quam fame
rationem habere oportuit. Accipe igitur princeps
gloriosissime dissertatiunculam: ut tuo nomine prius
habitam: ita nunc primum tuo iussu editam. Per se
quidem tenuis est et ieiuna. Sed ex eo quod celebrem
summi sacrorum antistitis materiam contineat: et quod
tuis auspiciis elucubrata: ac tuo nomini sacrata sit:
aliquid et plus fortassis quam par est glorie consequetur
Vale princeps clementissime: Ex academia
ticinensi duodecimo kalendas Ianuarii anno sa/
lutis dominice. MCCC^o. lxxxiii.

8
Jasonis de Bayno Mediolanensis: Iu/
risconsulti: ducalis Senatoris: ac Legati pro
iclytissimo Mediolanensi principe: et sapi/
entissimo eius patruo Duce Barri: Oratio
habita apud Alexandrū sextū Pont. maxium

Risorum monumentis accepimus Santissi/
me maxime Pontifex: et vos clarissima mon/
di lumina: plerosq; disertissimos forensium
causarum patronos: non quidem frequentibus
comitiis: non multo senatu: nec pleno foro: sed vnius ali/
quando excelsi viri presentia comotos sic expalluisse: ut
et attoniti et quasi elingues redderentur. A Bagnē apud
Grecos auctoritatis Demosthenes: qui primas dicēdi
partes sine cōtrouersia obtinuit: Phocionē cōciue suum
Athensēsem non tam eloquentia q̃ morum gravitate ce/
lebrem: ita metuebat ac venerabatur: ut cum in Senatum
oraturus accederet coram eo eloqui p̃tmesceret: submissa
ad amicos voce: hic est nouacula seu gladius tonsorius
verborū meorū. Curio pater pro Seruili Aeuili magna et
gravi causa Liceroni respōsurus: eius presentia et aucto/
ritate quasi Ticinie venenis: ereptam sibi oēm dicendo/
rum memoriaz palā est attestatus. Lucius Crassus i Ro/
mana facundia disertissimus adeo Quintus Sceuolā so/
cerum veneratus est: ut cū ad petendū consulum circū
forum suplex ire cogeretur nunq; adduci potuit: Et id
presente Sceuola grauissimo et seuerissimo viro faceret:
Cum timorem non vestis senatoria aut candida toga: sed
sceuolę p̃stantia Lucio inferebat. Idem Lucius Cras/
sas paternam ulturus iniuriā cum apud Quintum ma/
ximum aduersus Sneum Carbonem causam acturus fo/

ret: sic eius presentia turbatus est ut totam causam obli-
tus periret. Vneus Sicinus pro Servio Mennio apud
pretorem Romanum virum clarissimum dicturus: idem
passus affirmatur. Omitto quod Marcus Ciceronem in cau-
sa Miloniana illa tanta dicendi foelicitas omnino desti-
tuit. Pretereo quod Demosthenes apud Philippum Ma-
cedonum Regem orationem habiturus sic expauit et ani-
mo commotus est ut paucis admodum verbis expressis
obmutuisse ferat. Quod Theophrastus Philosophus elo-
quentissimus apud Alexandrum Regem verba factu-
rus maxima verecundia suffusus nichil effari potuerit.
Quod si tales et tam summi oratores vnius viri presentia
comoti defecerunt: nemini mirum videri debet si mihi co-
ram summo sacrorum omnium antistite qui dei simul et ho-
minis primum in terris locum tenet: coram excelsio pontifi-
calis maiestatis trono: quo nullus in humanis neque sub-
limior neque excelsior reperitur in splendissima reueren-
tissimorum Cardinalium corona: in celebri tot presulum
confessu: et tot illustrium ac clarissimorum virorum conuen-
tu: tantae rei nouitate et excellentia confuso: precordia pal-
pitant: caligant oculi: artus refrigescunt: gelidusque coit
formidine sanguis. Sed me non parum recreat ac reficit:
cum animaduerto quod eos maiori clementiae iuncti decet:
quos maiora dignitatum culmina altius extollunt. Natu-
ra hoc in brutis ostendit: ut quae ceteris prestant man-
suetiores reddantur. Apes iracundissime sunt et graues
in morsu aculeos relinquunt. Earum tamen Rex caret acu-
leo. Preter naturae legem ex saluatore nostro quem cle-
mentissimum et super omnes mortales mitissimum scriptura
predicat clementiam discunt qui eius in terris vicem ge-

runt: et qui ipsius vestigia sectantur. Nihil est ut **B**ius
Gregorius inquit quod in pontificali ceruice splendidi
us fulgeat quam humilitas et clementia. Clementia dos est
prima Romanorum Pontificum: et nullos magis quam sum
mos presules decet. Inde est quod quaecumque christianorum prin
cipum vota quibuscumque verbis emissa clementer et in
offensa aure excipiunt. Benigne admittunt quascunque
salutantium et gratulantium voces. Nec qua verborum
pompa: aut quo orationis delectu: sed qua fide et qua de
uotione colantur attendunt. Non ex verborum inopia sed
ex animi copia ut par est rem metiuntur. Nec minorem
bonae voluntatis quam culti sermonis habent rationem.
Quanto autem grauior est sarcina qua premor: quanto
maiori dicendorum fasce urgeor: tanto maioris erit cle
mentiae mecum benignius agere.

Congratulaturi igitur patrum Beatissime tuae maiestati:
tuaeque foelicitati: immo non minus, nobis ipsis quam tuae am
plissime dignitati: vel rectius communi vniuersae chri
stiane Reipublice saluti et debitum obedientiae ac canoni
ce deuotionis officium absoluturi: pro veteri fidelium
iustituto et prisca catholicorum Principum consuetudine
tria breuiter exequemur. Aperiemus imprimis quam bene
merita fuerit haec tua clementis assumptio: immo quam necessa
ria: ex qua christianorum omnium animi maximam spem conceperunt ut
leta prosperaque omnia in tuo pontificatu speranda sint. In eaque
haud multo minorem electorum prudentiam quam electi meritum
ostendemus. Deinde quia modestiam tuam nouimus
virtutis actione contentam: Adhuc bene agere quam
bene audire: et gloriam tuam potius factis quam vilius

predicatione conspicuas reddere: perstringemus aliquā de
tuis laudibus ne si in eis diutius imoremur: pudicas au
res tuas offendamus potius q̄ oblectemus. Postremo
ubi Illustrissimi Mediolanensium principis et sapientissimi
eius patris Ducis Barri: quorū legatione fungimur: letiti
am imortales: gaudium incredibile: et veras gaudii causas
significauerimus: extremū legationis nostrę manus per
ficiemus.

Si vnq̄ antea Reuerendissimi militantis ecclesię Car
dinales diuino spiritu afflati puris mentibus ac recto iu
dicio electionis sanctę misterium absoluerunt: hac pfecto
tempestate et sincerius q̄ vnq̄ et cādidius ac felicius of
ficio functi sunt. Te ex sacratissimo conclaui omnium su
fragiis Pontifices maximum declararunt. Te dominici
gregis verū et optimū pastorem iudicarunt. Tibi vt legi
timo Petri successori hanc gloriosissimā summi aposto
latus sedes contulerunt. Te idoneum decreuerunt qui tā
ti regiminis molem sustineres: et totius catholicę ecclesię
gubernacula moderareris. Tu vero optima eorum de te
opinionē nulla ex parte inferior suis grauissimis iudiciis
non modo respondes: sed etiam vincis superas et excedis.
In Romano pontifice duo precipua requiri ex gemina
rum clauū traditione sacri canones interpretantur: qua
rum vna potestatem designat: altera sapientiam. Potesta
tem ex fortitudine et magnanimitate constare liquet: ne ti
more aut formidine a recto pastoralis officii deflectat: sed
impavidus et constans quibuscūq̄ refragantibus stre
nue fortiterq̄ resistat. Circūfremētibz vndique
tempestatibus non commoueatur animo non concutia
tur: sed rectus in omnia constantemque vultum proferat.

Sit a recto immobilis: a iusto inuolabilis: a decore inex/
orabilis. Ex ore sedentis in trono procedat gladius bis
acutus sicuti Joannes in Apocalipsi scriptum reliquit.
Sapientia verorū igitur quę nō soluz litteris ⁊ sacra do/
ctrina constet: sed etiam longo usu et experientia rerum
magistra. Verissime Afranius poeta opinatus est sapi/
entiā usus et experientie filiā esse ppter ea q̄ ei qui sapi/
ens esse velit: non libris solis neq; disciplinis opus sit: s;̄
oportere eū versari exerceriq; in rebus cominus noscen/
dis periclitādisq;: et proinde sapere atq; cōsulere ex his
quę acta et euenta et ip̄a rerū pericula docuerint. Ennius
Tarētīnus litterarū cognitionē manchā esse asserbat: si
nulla actio: nulla experientia: nulla rerū expetendaz fu/
giendarumq; scientia sequat. Plato vir diuinus in Gor/
gia suo monuit disciplinarum studium sine actione et si/
ne experientia soliuagum ac ieiunum esse: nisi et ea quis
sapiat quę rerum pericula docent. In experti negotiorum
minus apti: minusq; idonei gerēdis magistratib; semper
habiti sunt. Unde Cornelius Silla M̄arii cōsulis iuue/
tam irridens: remigē inquit prius esse oportere q̄ ad gu/
bernacula manus admouere. Solō Philosophus Athe/
niensibus suadebat: ne antea Principatū aut M̄agistra/
tum appetere q̄ imperare aut magistratus gerere didi/
cissent. Qd si potestas fortitudine et animi roboze consi/
stit: si sapientia constat non solum litteris sed etiaz multa
experientia et longo rerum usu: exactissimum fuit iudi/
cium huius sacri cardinei Senatus indeligendo te sum/
mo Pontifice qui et fortitudine p̄stas: et magna sapiē/
tia p̄ditus es. Jam multis magnisq; periculis aperte de/
clarasti q̄ sis inuicta constantis animi magnitudine et

infracto solidissime mentis roboze. Tu nec aduersis de
terreri solitus: nec secundis efferri. inflexibili rectitudine:
in corrupto iudicio: et integritate incomutabili idem persi
stis. In omni vite cursu aduersus quoscunque fortunę im
petus eadem frons et idem vultus perdurat. Tibi illud
Fabritii Romanicōsulis eulogium merito ascribi potest
Te difficilius a recto quā soles a suo cursu auerti posse. Ne
mo etiam litterarum eruditione cū longo rerum usu te do
ctior. Nemo varia et multiplici multarum rerum experientia
prudenter. Nemo complurium negotiorum administratiōe
cautior. Nemo longa et assidua diuersarum gentium consue
tudine in noscendis ac librandis hominibus callidior. Ne
mo rerum antiquarum ac nouarum cognitione peritior. Nemo
morum veterum ac nouorum scientia prestantior. Triennis septē et
triginta ad Cardinalatus apicē euectus: et paulo post in
Vicecancellarium assumptus: non solum Romanę curię
mores ac ritus omnes percalluisti: nō solū ecclesiarum ac ecclesia
sticarum personarum instituta causasque didicisti: verum etiā
secretiora queque populorum nationum Principum: Regumque
negotia pertractasti. Romanorum quinq; Pontificum que
antecefferunt Calisti: Pii: Pauli: Sixti: et Innocentiū vi
tas et decreta omnia coram et viuo inspeculo inspexisti. Pro
apostolica sede varia functus es legatione: prefertim his
paniensi: Picentina et Parthenopea nō minus sapienter
et prospere quā gloriose. Nō ē quod amplius ex alio discas que
tue in hoc pontificatu gubernādo partes sint future. Nosti quid
christiana religio requirat: quid fides: pietas: caritasque velint:
quid platorum officium postulet: quid christiani gregis tue cure
commissi necessitas exigat. Nosti que Romano pontifici
conducant: et que sunt necessaria. Nosti quid Romanus

Pontificē deceat: qd ei liceat: quid expediat. Nostirōa /
no Pontifici plenā administrationis potestatem non simplr
et absolute fuisse attributā: sed clauē rationis et prudētiē
non errāte Prius didicisti quib⁹ bonis artib⁹: qua indu
stria: qua sollicitudine: quo studio pastorale officium regi
debeat: qz ad illud aspirare psumpseris. Instruct⁹ regen/
di administradiqz peritia prius meruisti ad summi sacer
dotij gubernacula assummi. qz bene pmeritus assume
reris. Te ergo consule: te audi: tibi ausculta: tibi obtem
pera. Non est in quo alterius consilio tibi opus sit Te
vnum tibi imitandum propone quo nihil in humanis di
uini⁹ reperias: et qui ceterorum norma et verum es ex
emplar. Nunqz aberrabis si a te ipso nusqz discesseris. si
tuo acuti ingenio parueris: et tuo grauissimo iudicio fue
ris obsecutus: nihil vnqz deerit qd vlla in re in consum
matissimo Pontifice exigat. Quod si beatas esse Resp.
Plato non minus vere qz elegāter monebat: si aut sapien
tes imperarēt: aut eaz Principes sapiētiē studio tenerē
tur. Beatissima es vniuersa christiana Resp. que tam sa
pientissimi pastoris regimini credita es. Nec mltominor
vestra laus est sacratissimi Cardinales talem elegisse qui
sapientia sciret et auctoritate posset tanti regiminis ha
benas recte gubernare. Eum promouisti qui gentium:
principum: morum: consuetudinū: dignitatum: honorum
cognitione et experientia admodum est eruditus: recti
tudine vero equitate et iustitia inuiolabilis: animi fortitu
dine et constantia in superabilis: vt liquido appareat in
eo prātis et sapiētiē cōiunctionē: ambarumqz clauūz re
ctitudinez adesse. Quotiens autem sapientia et potentia
in Romano Pontifice conspirāt: ibi mirabiles effectus

expectandi sunt: quales nunc xpiani omnes prestolantur.
Non potestis reuerendissimi Cardinales non optimi cē
feri qui pastore vniuerso gregi xpiano optimū prospexi/
stis. Proinde cum huiusmodi sit quē elegistis vt non so
lum ab omnibus elegi et ex omnibus meruerit: verū etia
omnibus anteponi et ab oībus debuerit: Immortales vo
bis et incredibiles gratiē turmatiz: cateruatimq; p vniuer
sum xpianum orbem et habent et agunt. Talem pontifi/
cio solio p̄fecistis: quo duce: quo pontifice omnia lēta:
omnia foelicia sunt speranda. Omnes qui cbristiana pro
fessione censentur eo gubernante: eo anrigāte in maximā
tranquilitatis et prosperitatis spem sunt animis erecti.
Grex dominicus tanti pastoris custodiē traditus ad lēta
pascua deduci sperat. Sub tam consummato Pontifice
qui ab omnibus virtutibus summitates apicesq; decerp/
sit: omnium doctrinarum et omnium ingenuarum artium
studia florebunt. Excitabuntur ingenia et scientiarum
professores ad excellenda gymnasia p̄miozum spe pro
pensius accēdentur. Qui doctrina et clavis moribus p̄e
stabunt: vel ad sacra consilia aduocabuntur: vel ad altas
dignitates extollentur. Jam iam litterarum studia sese
errigere et sub tanto virtutum vexillifero altius efferri et
in aurea retro secula reduci videntur. Tu autē Alexan/
der sexte Pontifex maxime suscepisti culmen pastoralis
fastigii locum summi sacerdotii: vicariatū christi. Te
xp̄us non vni tantum ecclesie sed vniuersis: non in parte
sed in plenitudine p̄esse voluit. Bedit te deus in lucem
gentium vt sis earum salus vsq; ad extremum terre. Elo/
cauit te deus in hunc excelsum locum vt lucernam operuz
tuorum homines viderent et glorificarent patrem qui in

celis est. Probitas et sapientia tua gradu excellentissi/
mo decorata est: et quasi lucerna super candelabrum in
domo domini posita: ut omnibus non tantum qui in domo
sunt: sed qui in mundo sunt luceat. Refulxisti quasi luci
dissimum sidus et quasi stella matutina in medio nebule.
Quasi sol rutilas in templo dei. Be te cum ecclesia vere
dicere possumus: Ecce sacerdos magnus qui in diebus
suis placuit deo: et inuentus est iustus. et in tempore iracun
die factus est reconciliator: nec est inuentus similis ei qui
conseruaret legem excelsi. Ideo iureiurando fecit illum do
minus crescere in plebem suam. Fuit beatissime pater hec
tua celestis assumptio. Reip. christiane non minus neces
saria quam salutaris: si quis publicas clades horrendas
christiani generis calamitates: conuulsa orthodoxe reli
gionis membra secum consideret si quis quantum barba
re nationes aduersus christianos populos non uno: sed inu/
meris locis inualuerint animaduertat. Eo tempore di
uina bonitas te ecclesie pastorem dedit: quo christiana
Resp. bono rectore auriga perito et moderatore circum/
specto quam maxime indigebat. Arbitrabatur christiani Prin
cipes. Daumethe Turcharum rege validissimo vita fun
cto. Haisset filium maiorem natum: qui paterno Impio succes
sit desiderio ac turpi ocio vacatur: et quasi Domitianum alte
rum muscis captandis silioque preacuto confingendis incubitur.
Sed longe secus propter oium opinionem successit: Nam prima
estate maximas copias ex hellesponto traiecit. Ingentez ac
potentissimam Classen ad quamcumque expeditionem instructam et ex
peditam habet. Maximo oibus timore cum incertum esset quid mo
liret: quorsum ei conatus rederet. Non conquiescet truculentis
sima bellua christiani sanguis sinitunda: nisi ei impetui repri

mantur donec paterno exemplo succēsus aliqua graui ⁊
miserāda clade xpianos afficiat. Tu ergo Pontifex ma/
xime in pastorem ecclesie es assumptus vt gregi tibi con/
misso bene consulas. Tuus est excubare ⁊ vigilias agere
sup gregez: ⁊ ex alto troni tui solio speculari futuras cla/
des. Tui muneris est procul arcere hanc imanē feram ab
ouili dominico: comprimere hostiles barbaroz incursus:
et eoz sceuitiā a xpianozū ceruicibus amouere. Tuaz pti
um est pro instaurāda ecclesie dignitate omni studio atqz
conatu intendere. Laborare pro viribus vt xpiani nois p
stinuz decus et Impium tua opa restituatur. Ista haud dif
ficulter cōficiēs cū i mortali tui nois glia si ut est tui pro
positi christiane paci q̄maxie consulueris. Dissidētes iter
se Principes ac populos auctoritate tua pposueris: ⁊ tua
prudētia ad vnitatē cōcordiamqz redegeris. Nō poterat
tanto negotio cōmodatior adhiberi. Tu nō tam humano
q̄ diuino consilio assumpt⁹ et voles et scies et poteris tā
to discrimini puidere. Quid. n. non credimus posse sancti
tatē tuā ab imortali deo impetrare ad nrām incolumita/
tem. Quid nō speremus virtute et prudētia tua posse in/
stitui: magnitudine cōfici: cōstātia: vigilātiaqz obtineri:
Quis nō iussionibus tuis obsequat: quis Impia tua recu
set. Certatim oēs cōtendēt vt quamaxie dictis tuis audiē
tes cōspiciant. Est tibi a deo rex oīum tributa ptās. Al/
secutus es vt q̄tum antea pdesse desiderabas: tantuz et
nūc possis. Voluntati ptās accessit: et desiderio tuo exe/
quendi facultas est associata. Occurrendum est in tpe im
minentis periculo. Restinguendus ē ignis prius q̄ magis
inualescat. Admouēda est in tēpore medela: nec est pro/
crastinaudum quoad morbi vis ingrauescens sera reme/

dia aspernetur. Non est tantum periculum negligendum
aut parui extimanduz: propterea q̄ nunc barbarozū cona-
tus ex eorum sentētia non successerit. Hosti scīssime pater
q̄tum erumnazum: q̄tū detrimētī xpīana Resp. ex Prin-
cipuz desida: ex Pontificū negligentia sit perpeffa. Ho-
sti nīmū que commemorare nunc etiam animus hor-
reat. Sepenumero antecessorum tuorum cūctationem in-
doluisti: incusasti tarditatem: ignauiam et torporem es de-
testatus. Baumethani scitarum populi paruis primum
viribus vix breuem hellespontī angulum astu et perfidia
potius q̄ virtute bellica aut armis occupauere. Beinde
creuere viribus et in dies non parum incrementi suis re-
bus attulerunt: duz Princepes christiani inter se dissidē-
tes aliorum funestas clades calamitatesq̄ negligunt dum
priuatis magis q̄ publicis commodis studere credunt
Et sue potius q̄ comuni christiane vtilitati consulere
arbitrantur. Tandem eousq̄ ellati sunt et tantis secunda-
rum rerum incrementis intumuerunt: vt vniuersum pro-
pe terrarum orbem maxima trepidatione affecerunt. Sic
qui negligitur igne de magno cinis sensim vires tantas
reassumit: quib⁹ postea haud facile resistit. Quazsepe ex
paruis principiis dum res negligitur grauissima mala
proueniunt.

Diximus Sanctissime pontifex de tua felici neccessa-
riaq̄ vocatione: non q̄tum pro rei dignitate et excellen-
tia dici et potuisset et debuisset: sed q̄tum temporis ratio
et breuitatis institutio prescripserunt. Jam virtutum tua-
rum preconia maiore voto quam ingenio paucis attinga-
mus: que secundas orationis partes absoluant. Nec est
Beatissime pater q̄ me presentia tua adicendo deterreat

Magis me perspecta animi tui modestia : quam presen-
tia offendit. Magis me anxium reddit quod eius non sim
ingenti : quo possim merita verbis adaequare : et diuinas
virtutes equo preconio celebrare. Nam et pueris laudes
quae parce et pudice et sine fallacia afferuntur : nec a sa-
pientissimis increpantur. Et sicuti non improbare vitia
maligni est : ita inuidi non approbare virtutem. Indignus
quoque est non commendare et non admirari hominem com-
mendatione et admiratione dignissimum : propterea quod pro-
fusus sit : et eius gloriam presentia quasi facietate langue-
scere. Veris laudibus presentia conducit cum presens
eas viua attestatione corroboret ac confirmet. Nec mihi
etiam fide assentationis nota obici potest : cum longe ma-
iores sint virtutes tuae quam mea sit futura predicatio. Quid
igitur primum assumam : Quid auspicabor : Unde ordi-
ar : an a patrie et generis splendore : qui non nihil ad ho-
minis foelicitatem confert. Simonides poeta Lyricorum
scriptor nobilem patriam in non mediocrem hominis be-
atitudinem ducens docuit : beate secundum perfectam ra-
tionem victuris imprimis opus esse patriam habere glo-
riosam. Patrie splendor non in postremis habetur : si se-
quis tanta patria dignum praestat. Thales milesius vel ut
quibusdam placuit socrates sua patria letabundus tri-
bus de rebus gloriari : et deo gratias agere solitus per-
hibetur. Quod homo esset : et non fera. Quod vir et non
foemina. deinde quod Graecus esset : et non Barbarus. Pa-
trie gloria generosis animis calcar ad virtutem : ad
res preclaras stimulum . et ad magna facinorosa incitabu-
lum praebet. Patria tibi est Hispania : cuius orientale
et septentrionale latus Pyrenei montes vni quaque inclu-
dunt. Reliquae partes usque ad Herculeas gades et Bol-

realem oceanum protenduntur. Que in eo montibus et
oceanum maris ambitu includuntur quasi alterum orbem fa-
cientia ad Hispaniam spectant: cuius latitudo et longitu-
do tam multa: tam ampla: et tam immensa est ut plus ha-
beat admirationis quam credulitatis. Interfluunt quamplures
fluvii non solum navigabiles: sed auriferi. Hispania nec
estibus obnoxia: nec frigoribus subiecta: media tempe-
rie confouetur. Ibi suaves zephyri moles aures exsuscit-
tant. Ibi elisi campi deliciarum et omnis amoenitatis ple-
ni sunt: quos foelices animas incolere Poete decanta-
runt. Terra opima ferax frugum: fructum et omnium op-
timarum rerum fertilis: gregibus armentisque habundat.
Hec in omni virtutum genere viros prestantes parit:
qui et animi et corporis dotibus excellunt: Hec etiam im-
peratorum et Romanorum Pontificum mater: Nerva
Traianus: Hadrianum ac Theodosium hispanos tres
Romanos Imperatores tulit. Hec eadem apostolice se-
di Damasum: dehinc Joannem. xxi. deinde Calistum
tertium hispanos summos pastores dedit. Nouissime
te Alexandrum sextum protulit: qui summi presulatus
fascibus insignitus Patrietue longe plus spei referas
quam ab ea acceperis. Natus ex familia Borgia hero-
ica vetere et honorata: que illustres maiorum ac proge-
nitorum tuorum imagines pre se ferat. Sed non vacat se-
mata generosissime familie tue recensere. Multi precla-
ro ingenio preediti in his celebrandis certabunt: et accu-
ratiore stilo prolixius immorabuntur. Prestant et plu-
ris extimantur que in te ipso sunt quam que circa te forinse-
cus versantur. Hec propria et ingenita sunt: illa externa
et aliena habentur. Minus quoque decorum est solis ma-
iorum laudibus censeris: et illustribus auorum monumen-

vis umbratilem gloriam venari. Creuisti tu virtutibus tuis
tuis meritis: tuis laboribus viam tibi aperuisti ad istud fa-
tigium quo nunc es euectus. Talia tibi a puero fundame-
ta iecisti: quale edificium in senectute excitandum conce-
peras. Nescio an natura presagiente: an diuino consilio
factum sit: ut quasi ab incunabilis ita vitam tuam institue-
res: mores componeres: actiones tuas formares: ut dignus
redderis tanto solio: ad cuius regimen parari et ordi-
nari videbaris. Vacasti illis potissimum virtutibus: illis
disciplinis incubuisti: que ad tantum munus obeundum
necessarie videbantur et ad reddendum te tanto sceptro
dignum essent accomodate. Per rectam artium bonarum
semitam progrediens: et per aureos virtutum gradus ascen-
dens ad felicitatis apicem es perductus. Accessit forme
ellegantia: que virtuti suffragium addit: lata frons: regi-
um supercilium: facies liberalis: et tota maiestatis plena.
Ingenuus et heroicus totius corporis decor: ut appareat
naturam quoque forme dignitatem indulsisse. que tibi pri-
mum multum gratie et venerationis acquireret. et nunc
apostolicam sedem hac tua diuina forma quasi numinis vice
decoraret. Post prima litterarum rudimenta deposita pre-
texta virilem togam induisti. Petuisti Bononiam bonarum doctri-
narum altricem pro assequendo ingenii cultu et sapientia
capefcenda: ciuitatis fama allectus: et ob Hispanorum aca-
demia ibi sitam: que collegiali sodalitate scholasticoque
contubernio complures Hispanos in sola litterarum pale-
stra nutrit. Vacasti Pontificie Imperatorieque censurę
ut que a Romanis pontificibus decreta: que a sacris con-
ciliis sancita essent tu futurus Pontifex maximus non
ignorares. Raris concessum est: ut qui ingenii acumine

excellunt: tenacis memorie fecunditate letentur. Sed in
te adeo cumulate concurrunt ut quo magis prestes: an acris
ori ingenio: an tenaciori memoria non sit facile iudicare.
Intra septennii metam peracto celebri studiozium cursu
doctoreas infulas suscepisti: quoddam future felicitatis
preludium. Interea Calistus auunculus tuus in summum
ecclesie pastorem assumptus: te post aliquod tempus in sa
crum et gloriosissimum Cardinalium ordinem cooptauit:
cum presentiret te dei iudicio ad maius tribunal destina
tum. Te in ecclesie cardinez foelici sydere constituit. que
futurum totius ecclesie sumum columnen preuidebat. Col
locauit te in solidam ecclesie columnam: que postea altius
supra montem domini excelsum erat erigenda. Nec cuiquam
admirabile videri debet Calisto summo christi vicario
de te predestinatum: quod de altero Hispano apud gentiles
a fatidica nimpha ante ducentos annos pronunciatum.
Balba de se vaticinatum voluit: oriturum quandoque ex
Hispania principem dominumque rerum. Per annos mul
tos quibus Cardinalatus et vicecancellariatus officio fun
ctus es: nemo tuam operam requisivit: cui non promptis
simam exhiberes. Neminem unquam iustum patrocinium de
negasti. Nemo calamitate affectus aut iniuria laceratus
frustra tuam opem implozauit. Fuit tibi familiare non so
lum petentibus subuenire sed etiam non petentibus ultro
suppetias ferre. Facile semper ad te aditus patuerunt: nec
maximis aliquando negociis implicitus unquam es de occu
patione causatus. Consuetudo modesta et familiaris: quam co
mitas sine seueritate cum seueritate hilaritas: cum grauitate
benignitas: pari libra condirent. Sermo liberalis et pro
positus: et adeo suauis ut tanquam Euripidis a melle et sireni
bus profluere videatur. Tua grauissima responsa inter

Latoniana apothegmata numerari possunt. Quoscumque
te adeuntes non solum benigne excipiebas: verum etiam
suauibus verbis familiaribusque blandimentis demulce-
bas. Exemplo Titi imperatoris neminem unquam abs te
tristem abire patiebaris: et diem perdidisse existimabas
qua nihil cuique prestitisses. Liberalitatem et munificen-
tiam tuam: largitiones splendide: sumptusque magnifici
aperte cumulateque ostenderunt. Infinitum esset singula
recensere: quibus dinumerandis non dicam exornandis
nec tempus lege Pompeia prefixum sufficeret. Hæc ergo
vela contraham aut canam receptui: et quod postremo expedien-
dum proposui confestim absoluam.

Inclutissimus Mediolanensium Princeps et sapientis-
simus eius patruus Dux Harri. ut primum te ad apo-
stolicum culmen euectum intellexerunt: conceperunt animis
letitiam inextimabilem: gaudium incredibile: voluptatem
incomparabilem. Gaudent non quantum ceteri. sed quantum ra-
ri admodum sanctitatis tunc deuotissimi: Nec quantum dici
vel cogitari potest: sed quantum nec dici nec cogitari fas est.
Si enim quisque gaudere merito debet et debent omnes
Illustrissimi Principes nostri qui obseruantia in aposto-
licam sedem: cultu et deuotione in sanctitatem tuam nemi-
ni cedunt. In primis gaudent et exultant: et tanta letitia
afficiuntur: quantum maximam humani sensus concipere pos-
sunt: cuius magnitudo humanam credulitatem et fidem
exuperat. Nihil enim iucundius eis nunciari: nihil gra-
tius aut salubrius afferri poterat: quam te pontificale fasti-
gium ascendisse: in quo neque prohibitatis: neque sapientie:
neque potestatis: neque eorum omnium que in consummatissi-
mo Pontifice exiguntur pars aliqua desiderari potest.
Fœlix faustusque illuxit tue sublimationis candidissimus

dies: qui te pontificio solio inaugurauit: Et Principes
nostros maximi voti compotes reddidit. Sed cum men/
tis gaudia exprimere et causas explicare arduum sit: et
animorum sensus oratione adæquare difficillimum habea/
tur: immitabor in hac parte Timantem Lithiniuz picto/
rem egregium qui in depingenda Ephigeniæ imolatione:
cum paternum merozem dignis colorum: affectibus
exprimere nō posset: vellauit eius caput: et suo cuiq; ani/
moreliquit extimandum. Existimarunt excellentissimi
Principes nostri non aliter melius posse debitum gra/
tulationis officium implere: nec aliter efficacius posse pt/
um humilis et deuotę obedientię obsequium prestare q̃
si ad hoc munus obeundum eos legatos destinarent qui
essent ducalis sanguinis necessitudine coniunctiores: hoc
officium per seipsos expedire non minoris fuisset disci/
minis q̃ difficultatis. Illustres itaq; fratrem et nepotem
Hermetem Sfortiam vicecomitem Marchionem stre/
nuum: Prestantissimum Herodem Joannem Franciscum
Sanseuerinatem Laiacię Comitem et inuictum milita/
rium copiarum prefectum: Insingem comitem Franciscū
Sfortiam ducalem consanguineum: Augusticum pro/
cerem Nicolaum Corrigiensem: non minus palladis q̃
Martis artibus excultum: meq; apud eos minimum et
indignum delegerunt. Venimus eorum legati tue bea/
titudini et apostolico trono omnem venerationis et re/
uerentię cultum prestituri. Eorum nomine et speciali mā/
dato deuotissime impartimur quęcunq; a xpianis Prin/
cipibus erga summum dei vicarium prestari puenit. Tue
sanctitati perpetuam obedientiam et sinceram deuotiōem
cum humili reuerentia exhibemus. Te summuz sacerdo/
tem: pontificem maximum: patrum patrem: ac pastorum

pastorem profiteamur. Te indubitatus Petri successorem
legitimū xpi vicarium: et clauigerum regni celestis atte
stamus. Tibi tuęq; ditioni Principes nostri deuouent
ac predicant quicquid opibus valent: quicquid faculta
tibus possunt: quicquid viribus pollēt. Fortunas omnes
copias classes exercitus vniuersum ducale imperium et
se ipsos ac liberos in quencunq; rerum euentū prompti
ssimo animo et constantissima fide exponunt et ante sancti
tatis tuę deosculatos pedes deponūt. His omnibus tuo
iure vetere: pro tuo arbitrio dispone. nō solū p militātis
ecclesię dignitate: pro solū pōtificalis amplitudine: verū
etiā pro tuis priuatis et familiaribus cōmodis. Quid. n.
illi aut facere pmprius: aut libētius prestare et maiori cū
desiderio vel debēt vel possunt: q̄ tibi et huic gl̄iosissime
sedi suę oia dicare: qui vices in terris tenes omnipotētis
dei a quo quicquid publice vel priuatim possident preca
rio recognoscunt. vtere beatissime pater in quancunq; ca
tholicam expeditionem firmissimo vicecomitum exercitu.
Vtere Sfortianis victricibus copiis. Vtere ducalibus
in subrium signis: quo quonq; se conferunt certam victo
riam spondent. Illustria Sfortianorum Principum fa
cinora: celebres victorias: parta totiens ex hostibus tro
phea non solum latium: sed vniuersus orbis et predicat
et admiratur. Peculiare illis et hereditarium est: se se ac
cerimos et assiduos apostolice sedis defensores et inde
fessos propugnatores prestare. Excipe sanctissime pater
et toto animo ac tota caritate complere: hos inelytissi
mos Principes sanctitati tuę obsequentissimos: quos se
per non minus re et opere q̄ verbis et oratione promp
tos: paratos: expeditosq; inuenies: nec minus memores
q̄ gratos omni quo experieris.

Acta Rome Idibus Decembris. Anno
salutis dominice. M. cccc. lxxxii. Sedete Ale
xandro. vi. Pontifi. max. in consistorio publico.

Romuleas iussus conscendere Jason in arces
At stetit inter tot proceres procerumq; coronas:
Illum illum quicumq; aderat spectauit: in illum
Lumina flectebant cuncti: stupor ille cateruis
Omnibus: hic aliis laudem et decus abstulit omne.
Victis quanta venus: quantus fuit ordo leposq;
Qua dulcis per verba sonus: non defuit illi
Clara in voce decus: pulcher ve in corpore motus.
Ipse pater fertur nimia dulcedine captus
Exeruisse caput viridi tiberinus ab amne.
Quin. et sidereo diuum descendit olympo:
Et super humanas gaudens chorus astitit edes:
Obstupuitq; vtri taciturno pectore linguam.
Illuz maia sua vocis dulcedine prolem
Credidit: hunc fratrem velox Dictina putauit.

Alexander Ruinagia
Grecia quid veterem mihi cantat Jasona: verbis
Foemina si rapitur phasias icta suis.
Aspice Romanos meus hic vt flectat Jason:
Certet vt attonito cum Cicerone foro.
Fama verus sileat. mira omnia moenibus ingens
Fert Mediolanum: sub duce Sforziada.

Nicolaus Scyllatius Siculus.

